


BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Broj: 03-017-246/2016
Dana, 06.10.2016. godine

SKUPŠTINA UNSKO-SANSKOG KANTONA

12.10.2016.
01/17-69-4-19-137/16

PREDMET: Prijedlog Odluke o izmjenama i dopunama Odluke o osnivanju
Javne ustanove Pedagoški zavod Unsko-sanskog kantona,
d o s t a v l j a s e;-

Na osnovu člana 148. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu vam dostavljamo Prijedlog Odluke o izmjenama i dopunama Odluke o osnivanju Javne ustanove Pedagoški zavod Unsko-sanskog kantona, uz sljedeće:

Obrazloženje

Vlada Unsko-sanskog kantona je na sjednici održanoj dana, 06.10.2016. godine, razmatrala i utvrdila Prijedlog Odluke o izmjenama i dopunama Odluke o osnivanju Javne ustanove Pedagoški zavod Unsko-sanskog kantona, obrađivača Ministarstva obrazovanja, nauke, kulture i sporta, te vam isti dostavljamo na razmatranje.

PRILOG: - Prijedlog Odluke o (45x)

PREMIJER KANTONA
mr.sci. Husein Rošić

Na osnovu člana V. A. 11 m) Ustava Unsko-sanskog kantona-prečišćeni tekst („Službeni glasnik Unsko-sanskog kantona“ br. 1/04 i 11/04), a u vezi sa članom 3. Zakona o ustanovama („Službeni list RBiH“, broj: 6/92 i 13/94) Skupština Unsko-sanskog kantona, na sjednici održanoj dana _____ d o n o s i

ODLUKU
O IZMJENAMA I DOPUNAMA
ODLUKE O OSNIVANJU
JAVNE USTANOVE PEDAGOŠKI ZAVOD
UNSKO-SANSKOG KANTONA, BIHAĆ

Član 1.

U Odluci o osnivanju Javne ustanove Pedagoški zavod Unsko-sanskog kantona („Službeni glasnik Unsko-sanskog kantona“, broj:3/07 i 2/08), u članu 15. tačke 1., 3. i 7. mijenjaju se i glase:

„1. donosi Pravila Zavoda, Pravilnik o unutrašnjoj organizaciji, Pravilnik o radu, cjenovnik usluga, uz saglasnost Ministarstva obrazovanja, nauke, kulture i sporta;

3. imenuje i razrješava direktora Zavoda, uz saglasnost Ministarstva obrazovanja, nauke, kulture i sporta nakon provedene procedure javnog oglašavanja upražnjene pozicije u skladu sa Zakonom;

7. odlučuje o promjeni unutrašnje organizacije Zavoda, uz saglasnost Ministarstva obrazovanja, nauke, kulture i sporta;“

Član 2.

Član 17. mijenja se i glasi:

„Član 17.

Direktora Zavoda imenuje i razrješava Upravni odbor Zavoda.

Za direktora Zavoda može se imenovati lice koje posjeduje diplomu visokog obrazovanja VII/1 stepen stručne spreme ili diploma visokog obrazovanja prvi (240 ECTS), drugi ili treći ciklus studija po Bolonjskom sistemu studiranja, društvene struke i najmanje sedam godina radnog iskustva nakon sticanja VSS.“

Član 3.

Član 25. mijenja se i glasi:

„Član 25.

Nadzor nad zakonitošću rada Zavoda vrši Ministarstvo obrazovanja, nauke, kulture i sporta.

Inspekcijski nadzor nad radom Zavoda vrši nadležna inspekcija za obrazovanje.“

Član 4.

Iza člana 28. dodaje se novi član 28.a. koji glasi:

„Član 28.a.

Upravni odbor Zavoda u obavezi je da u roku od 60 dana od dana stupanja na snagu ove Odluke usaglasi Pravila Zavoda i donese novi Pravilnik o radu Zavoda u skladu sa Zakonom o radu („Službene novine Federacije Bosne i Hercegovine broj:26/16).

Član 5.

Ova odluka stupa na snagu danom donošenja i objavit će se u „Službenom glasniku Unsko-sanskog kantona.“

Broj:

Datum:

Predsjedavajući Skupštine

Unsko-sanskog kantona

Nijaz Hušić, prof.



Obrazloženje o razlozima za donošenje

Odluka o osnivanju Javne ustanove Pedagoški zavod Unsko-sanskog kantona, Bihać, je osnivački akt navedene ustanove. Navedena odluka je donijeta na 2. Sjednici Skupštine Unsko-sanskog kantona dana 8.2. 2007. godine, te se istom Pedagoški zavod Bihać, kao samostalna kantonalna ustanova osniva kao Javna ustanova Pedagoški zavod Unsko-sanskog kantona, Bihać. Naime, Odluka nije usklađivanja sa izmijenjenom zakonskom regulativom, te s tim u vezi potrebno je donijeti Odluku o izmjenama i dopunama Odluka o osnivanju Javne ustanove Pedagoški zavod Unsko-sanskog kantona, Bihać.

a) Zakonski osnov za donošenje

Zakonski osnov za donošenje Odluke o izmjenama i dopunama Odluke o osnivanju Javne ustanove Pedagoški zavod Unsko-sanskog kantona, Bihać je član 11. tačka m) odjeljak A. poglavlje V. Ustava Unsko-sanskog kantona („Službeni glasnik Unsko-sanskog kantona“, broj: 5/04 i 11/04) i člana 3. Zakona o ustanovama ("Službeni list Republike Bosne i Hercegovine", broj 6/92, 8/93 i 13/94.).

b) Razlog za donošenje propisa i objašnjenje odabrane politike

Odluka o osnivanju Javne ustanove Pedagoški zavod Unsko-sanskog kantona, Bihać je osnivački akt navedene ustanove.

Nadzor nad radom ustanova iz oblasti obrazovanja vrši Ministarstvo obrazovanja, nauke, kulture i sporta, i daje saglasnosti na opća akta navedenih ustanova i izbor i imenovanje direktora, smatramo da bi zbog efikasnosti, nadležnost kod davanja saglasnosti za izbor direktora JU Pedagoški zavod Unsko-sanskog kantona, Bihać, trebalo prenijeti na Ministarstvo obrazovanja, nauke, kulture i sporta.

Nadalje, kako je uveden Bolonjski sistem studiranja, a samim tim i kvalifikacije prvog, drugog i trećeg ciklusa studija, bilo je potrebno uskladiti odredbu člana 17. Odluke o osnivanju Javne ustanove Pedagoški zavod Unsko-sanskog kantona, Bihać, a što nije učinjeno. Na osnovu navedenog člana za direktora JU Pedagoški zavod Unsko-sanskog kantona, Bihać mogu konkurisati lica koja imaju završen VII stepen stručne spreme, time je onemogućeno licima koja su stekla zvanje po Bolonjskom sistemu studiranja učešće na istim.


Dalje slijedi, izmjene u članu 25. Odluke odnose se na usaglašavanje naziva Ministarstva u skladu sa Zakonom o organizaciji i nadležnostima kantonalnih organa uprave i upravnih organizacija i usaglašavanje sa Zakonom o kantonalnim inspekcijama Unsko-sanskog kantona.



U poglavlju XII-Prijelazne i završne odredbe dodan je novi član 28.a. kojim se zadužuje Upravni odbor Zavoda da u roku od 60 dana od dana stupanja na snagu Izmjena i dopuna Odluke usaglasi Pravila Zavoda i donese novi Pravilnik o radu Zavoda u skladu sa novim Zakonom o radu Federacije Bosne i Hercegovine.


c) Procjena ekonomske opravdanosti donošenja propisa

Za provođenje ovih izmjena i dopuna Odluke o osnivanju Javne ustanove Pedagoški zavod Unsko-sanskog kantona, Bihać, nisu potrebna materijalna sredstva.



MINISTAR
mr. sci. Adis Muharemović

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA - SANA CANTON
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“ broj: 5/08), na prijedlog Ministarstva obrazovanja, nauke, kulture i sporta, Vlada Unsko-sanskog kantona na sjednici održanoj dana 06.10.2016. godine, donosi:

ZAKLJUČAK


I

Utvrđuje se Prijedlog Odluke o izmjenama i dopunama Odluke o osnivanju Javne ustanove Pedagoški zavod Unsko-sanskog kantona Bihać, obrađivača Ministarstva obrazovanja, nauke, kulture i sporta, s tim da se isti uputi Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-246/2016
Bihać, 06.10.2016. godine



627

10

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
MINISTARSTVO PRAVOSUĐA I UPRAVE



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
MINISTRY OF JUSTICE

Broj: 07-05-10916-4/2016
Bihać, 29.09.2016. godine


MINISTARSTVO OBRAZOVANJA,
NAUKE, KULTURE I SPORTA

PREDMET : Mišljenje, dostavlja se,-
Veza: Vaš akt broj: 10-05-10916-3/16 od 22.09.2016. godine

Na osnovu člana 25. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj: 26/12 i 3/14), o dostavljenom Prijedlogu Odluke o izmjenama i dopunama Odluke o osnivanju Javne ustanove Pedagoški zavod Unsko-sanskog kantona Bihać, obavještavamo vas da odredbe navedenog Prijedloga Odluke ne reguliraju materiju iz člana 25. stav 1. alineja 2. Poslovnika o radu Vlade Unsko-sanskog kantona, kojim je utvrđeno da ovo Ministarstvo daje mišljenje na prednacrt odnosno nacrt propisa u pogledu njihove usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.

S poštovanjem,

Dostavljeno:
O naslovu
-a/a



MINISTAR

dr. sc. Nikola Findrik

605.
10

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
URED ZA ZAKONODAVSTVO VLADE UNSKO-
SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
LEGISLATION OFFICE OF UNA-SANA GOVERNMENT

Broj: 21-05-10916-7/16
Datum: 05.10.2016.godine

MINISTARSTVO OBRAZOVANJA, NAUKE
KULTURE I SPORTA

PREDMET: Mišljenje na prijedlog Odluke o izmjenama i dopunama Odluke o osnivanju
Javne ustanove Pedagoški zavod Unsko-sanskog kantona Bihać, dostavlja se:-

Na osnovu člana 4. Uredbe o Uredu za zakonodavstvo Vlade Unsko-sanskog kantona
("Službeni glasnik Unsko-sanskog kantona", broj: 9/11 i 22/11), Ured za zakonodavstvo Vlade
Unsko-sanskog kantona, daje sljedeće

MIŠLJENJE

na prijedlog Odluke o izmjenama i dopunama Odluke o osnivanju
Javne ustanove Pedagoški zavod Unsko-sanskog kantona Bihać

Ustavni osnov:

Ustavni osnov za donošenje odluka iz djelokruga Skupštine Kantona sadržan je u odredbi člana 11. m) odjeljak A poglavlja V Ustava Unsko-sanskog kantona – Prečišćeni tekst ("Službeni glasnik Unsko-sanskog kantona", broj: 1/04 i 11/04) kojim je utvrđeno da Skupština Kantona donosi i druge propise u obavljanju kantonalnih ovlaštenja, s tim da predlažemo da se u uvodu predmetne Odluke kod pozivanja na odredbe Ustava Unsko-sanskog kantona obilježi odnosno naznači odjeljak, odnosno poglavlje kako je naprijed navedeno.

Pravni osnov:

Analizirajući pravni osnov za donošenje Odluke o izmjenama i dopunama Odluke o osnivanju Javne ustanove Pedagoški zavod Unsko-sanskog kantona Bihać, mišljenja smo da je isti uskladen sa materijalnim propisom, odnosno sa članom 3. Zakona o ustanovama ("Službeni list R BiH" broj: 6/92, 8/93 i 13/94) kojim je utvrđeno da se za obavljanje javne službe osniva javna ustanova, šta se podrazumijeva pod javnom službom kao i tko može osnovati javnu ustanovu, s tim da je potrebno navesti sve brojeve glasila u kojima je objavljen Zakona o ustanovama, odnosno dopuniti sa brojem glasila „8/93“.

-2-

Analizirajući dostavljeni tekst prijedloga Odluke o izmjenama i dopunama Odluke o osnivanju Javne ustanove Pedagoški zavod Unsko-sanskog kantona Bihać, Ured za zakonodavstvo Vlade Unsko-sanskog kantona je stava:

- Član 1. kojim je predložena izmjena člana 15. tačka 3. i član 2. kojim je predložena izmjena člana 17. stav 1 su u suprotnosti jedna sa drugom, nepotpune, i u suprotnosti su sa propisom višeg nivoa odnosno sa odredbom člana 29. stav (2) Zakona o ustanovama („Službeni list R BiH“, broj: 6/92, 8/93 i 13/94) kojom je utvrđeno da direktora javne ustanove imenuje i razrješava upravni odbor javne ustanove, na osnovu javnog konkursa, **uz saglasnost Vlade R BiH**, izvršnog organa opštine ili izvršnog organa gradske zajednice.
- U Obrazloženju nije navedeno jasno pojašnjenje izmjena predloženih u članu 1. predmetne Odluke odnosno navedene su nejasne formulacije u vezi davanja saglasnosti na opća akta i izbor i imenovanja direktora javne ustanove, te nije naveden konkretan razlog za predloženu izmjenu.

Ured za zakonodavstvo Vlade Unsko-sanskog kantona predlaže obrađivaču da predmetnu Odluku prije upućivanja Vladi Kantona uskladi sa predloženim primjedbama.

S poštovanjem!

Dostavljeno:

1. Naslovu
2. a/a

